



CONVOCATORIA PARA A CONCESIÓN DE SUBVENCIONES EN MATERIA DEPORTIVA DO CONCELLO DE BARBADÁS, AÑO 2022

Art.1.- Obxecto da Convocatoria.

O procedemento para a concesión destas subvencións será en réxime de concorrencia competitiva, mediante a comparación das solicitudes presentadas, a fin de establecer unha prelación entre as mesmas de acordo cos criterios de valoración establecidos nesta convocatoria, adxudicando, co límite fixado no punto seguinte, aquelas que obteñan maior valoración en aplicación dos citados criterios.

As bases reguladoras da concesión destas subvencións están contidas na Ordenanza específica para a concesión de subvencións en materia deportiva do Concello de Barbadás publicada no *Boletín Oficial da Provincia* núm. 286 , de data 15 de decembro de 2016.

Art.2.- Financiamento da Subvención.

Os créditos orzamentarios aos que se imputa a subvención en materia deportiva do Concello de Barbadás son os seguintes:

En relación á Liña 1, o crédito dispoñible recóllese na aplicación orzamentaria 341.480.00 por un importe máximo de tres mil euros (4.000,00 €).

En relación á Liña 2: o crédito dispoñible recóllese na aplicación orzamentaria 341.480.01 a a nivel de vinculación xurídica por un importe máximo de seis mil cento oitenta e catro euros con cincuenta e catro céntimos (8.000,00 €).

Art.3.- Obxecto, Condicións e Finalidade da Subvención

Constitúe o obxecto das presentes bases a regulación da concesión de subvencións con cargo ao orzamento da Concellería de Deportes do Concello de Barbadás en materia deportiva en réxime de concorrencia competitiva.

Con base á súa **finalidade** distínguense dúas liñas de financiamento:

1. Organización de actividades deportivas federadas e outras actividades de especial transcendencia social que contribúan á promoción deportiva.
2. Gastos de funcionamento das entidades deportivas por participación ou organización de competicións e actividades federadas de carácter oficial, ben na tempada ou anualidade que rematen no exercicio orzamentario.





A porcentaxe subvencionable non poderá exceder do 75% do custo da actividade, nin poderá exceder do custo total previsto en concorrencia con calquera outro tipo de ingresos, non podendo superar en ningún caso a cantidade de 2.500 €.

O importe mínimo da subvención para aqueles clubs deportivos que se acollan á liña 2 de subvencións e cumpran todos os requisitos solicitados nestas bases será de 750 €.

Calquera alteración das condicións consideradas para a determinación da subvención poderá dar lugar á modificación da resolución da concesión e, en todo caso á obtención doutras achegas concorrentes non permitidas nestas bases. Para os efectos de estimar a gradación dos incumprimentos utilizaranse as desviacións detectadas nos parámetros de valoración.

Art.4.- Requisitos dos Solicitantes

Poderán ter a condición de beneficiarios:

- As asociacións e clubs ou entidades deportivas do municipio de Barbadás inscritos/as no Rexistro de Asociacións do Concello de Barbadás.

Quedan expresamente excluídos:

- As entidades debedoras do Concello de Barbadás.
- En xeral todos aqueles incursos en causas das previstas na Lei 38/2003 de 13 de novembro xeral de subvencións (artigo 13) e a Lei 9/2007, do 13 de xuño, de subvencións de Galicia (artigo 10) ou normativa que as substitúa.
- As entidades sancionadas en firme por infracción moi grave por órganos de xustiza deportiva.

As axudas ás entidades que contén con partida nominativa no orzamento do Concello de Barbadás quedarán excluídas da participación nas liñas destas bases reguladoras e rexeranse polo que dispoñan os convenios a través dos cales se instrumenten, sen prexuízo de actividades excepcionais debidamente motivadas. Esta exclusión alcanzará a toda entidade vinculada por calquera relación de dependencia ou control.

Art.5.- Órgano Competente para a Instrución e Resolución





O órgano Colexiado encargado de emitir o informe de avaliación estará constituído polo Concelleiro de Deportes ou persoa en quen delegue en calidade de presidente, e dous traballadores/as do Concello de Barbadás.

Art.6.- Prazo de Presentación de Solicitudes e Documentación

As solicitudes presentaranse nas oficinas do Concello de Barbadás e os prazos de presentación serán:

Liña de actuación 1ª: 30 días naturais dende a publicación da Convocatoria no BOP.

Liña de actuación 2ª: 30 días naturais dende a publicación da Convocatoria no BOP.

A documentación a presentar con carácter xeral comprenderá:

Documentación preceptiva:

a) Solicitud individualizada asinada polo petionario ou, no caso de persoas xurídicas, polo representante legal debidamente acreditado, con indicación de enderezo electrónico e postal, número telefónico e fax, para os efectos de notificacións e comunicacións (anexo I).

b) Fotocopia do Código de Identificación Fiscal (CIF) no caso de persoas xurídicas e o Número de Identificación Fiscal (NIF) no suposto de persoas físicas.

c) Inscripción no Rexistro de Asociacións Municipais e nos rexistros oficiais segundo a natureza da actividade a subvencionar, indicándose, no caso de persoas xurídicas, os estatutos que rexen a entidade, así como certificación acreditativa dos cargos representativos e domicilio social.

d) Os datos bancarios da conta á que se poderá transferir o importe da subvención na folla de terceiros que se facilitará na Administración do Concello de Barbadás.

e) Declaración responsable de non estar incurso nas prohibicións para obter a condición de beneficiario (anexo II).

f) Declaración responsable de non ser debedor á Facenda estatal, autonómica e local, nin á Seguridade Social (anexo II), autorizando ó concello de Barbadás para pedir os certificados correspondentes ante a Axencia Estatal de Facenda e o Concello de Barbadás, se fora preciso.

g) Orzamento de ingresos e gastos da actividade, con expresión do financiamento previsto e liquidación do orzamento da tempada ou exercicio económico anterior. O orzamento deberá vir equilibrado (**ingresos = gastos**).

h) Compromiso firme de comunicar ó Concello de Barbadás a concesión de calquera





outra axuda ou subvención, de entes públicos ou privados, para a mesma finalidade, tan pronto a coñeza e, en todo caso, con anterioridade á xustificación da aplicación outorgada.

i) Autorización para recibir notificacións e resolucións por correo electrónico na conta facilitada no Anexo I. De non presentar enderezo electrónico, no se lle comunicará de xeito individual a dita entidade, publicitándose a información na páxina web, na sección de Deportes, do Concello de Barbadás, nos taboleiros do Concello ou no BOP de ser o caso.

Documentación para valoración:

Si se solicita subvención acorde coa liña 1:

- Memoria onde se indique de forma separada os seguintes extremos:
 - a) Obxectivos que se pretenden conseguir e interese xeral da actividade no ámbito municipal.
 - b) Número de beneficiarios, directos.
 - c) Modalidade feminina, de ser o caso.
 - d) Modalidade para persoas con diversidade funcional, de ser o caso.
 - e) Participación de categorías de base.
 - f) Formación e divulgación deportiva.
 - g) Volume de subvencións concedidas á actividade para a mesma finalidade.
 - h) Ámbito territorial dos participantes.
- Presentación, se fora o caso, dos permisos correspondentes ós seguros de responsabilidade civil, accidentes e outros permisos obrigatorios para a celebración do evento, ou compromiso de presentalos antes da realización do evento subvencionado.

De solicitar axuda da liña 2:

- Certificado da Federación Deportiva correspondente na que expresamente se indique:
 - a) Números de equipos, categoría e ámbito territorial da competición. De non figurar o territorio da competición, considerarase de ámbito local.
 - b) Número de licencias federativas durante a tempada obxecto da subvención por equipo no que se indique cales pertencen á categoría feminina, especificando o ámbito territorial da competición. De non figurar o territorio da competición, considerarase de ámbito local. No caso de que a tempada coincida coa anualidade, xuntarase tamén o número de licencias tramitadas na tempada anterior.
 - c) Número de técnicos e persoal auxiliar adscrito con licenza federativa para a tempada obxecto da subvención e nivel ou categoría dos mesmos.
 - d) Declaración responsable na que se indique o número de técnicos e persoal auxiliar





con alta federativa e titulación con valor oficial.

- e) Calendario oficial de competición.
 - Memoria na que se indique de forma separada os seguintes extremos:
 - a) Media de participantes por cada actividade de promoción, formación e divulgativas ou escolas deportivas.
 - b) Importe do investimento para mellora, mantemento e xestión de instalacións municipais, de ser o caso.
 - c) Outros datos importantes de carácter social e deportivo do club.
- Emenda e efectos da presentación de solicitudes.

As deficiencias e as omisións na solicitude e restante documentación preceptiva deberán emendarse, no prazo de dez días dende a notificación efectuada no enderezo electrónico facilitado polo solicitante, se fora o caso, ou dez días dende a publicación da correspondente resolución dos diversos procedementos de concesión de subvencións publicados no enderezo web (www.barbadas.es). De non efectuar a emenda no prazo indicado, terase por desistido da súa petición.

Non será necesario presentar aquela documentación preceptiva que se atope en poder do Concello de Barbadás sempre que se manifeste que non sufriron variación, de acordo co anexo III.

A presentación da solicitude leva consigo:

- A aceptación incondicional das bases reguladoras e da convocatoria.
- A aceptación incondicional dos requisitos e obrigas que se conteñen nas bases e nas convocatorias.
 - Autorización á Concellería de Deportes para solicitar as certificacións que deba emitir a Axencia Estatal da Administración Tributaria e o Concello de Barbadás.
 - Autorización implícita á Concellería de Deportes para tratar a información persoal e deportiva nas distintas fases de tramitación.

Art.7.- Prazo de Resolución e Notificación

O prazo para a resolución das peticións de subvención será de tres meses. O vencemento





do prazo máximo sen que sexa comunicada a resolución lexítima ós/ás interesados/as para entender desestimada a solicitude por silencio administrativo.

Toda publicación/notificación, sexa individual ou colectiva, á que faga referencia estas bases realizárase mediante publicación na localización web e taboleiro de anuncios do Concello de Barbadás. A publicación substituirá á notificación persoal e producirá os mesmos efectos, segundo a Lei 30/1992.

Os/as beneficiarios/as terán un prazo de 10 días, desde a notificación da resolución definitiva, para aceptar ou rexeitar a subvención, de non producirse manifestación expresa entenderase aceptada tacitamente.

Contra a resolución, que pon fin ó procedemento administrativo, poderase interpor recurso potestativo de reposición ante a Concellería de Deportes do Concello de Barbadás no prazo dun mes ou un recurso contencioso-administrativo ante o Xulgado do Contencioso-Administrativo de Ourense, sen prexuízo da interposición de calquera outro que se estime conveniente.

Art.8.- Criterios de Valoración de Solicitudes.

Valoraranse os seguintes aspectos:

Eventos Deportivos.

- ✓ **Ámbito competitivo do evento**
 - Competicións de ámbito nacional. (10 puntos)
 - Competicións de ámbito interprovincial ou autonómico. (5 puntos)
 - Competicións de ámbito provincial. (3 puntos)
 - Competicións de ámbito local. (1 punto)

Para considerar unha proba dun determinado ámbito considerarase para obter maior puntuación un mínimo de 10 participantes en probas individuais e de 2 equipos en competicións por equipos.

- ✓ Número de edicións (Antigüidade). 1 punto por cada edición, máximo 5 puntos.
- ✓ Número de participantes. 1 punto por cada 100 participantes, máximo 5 puntos.
- ✓ Proxecto. Valorarase cun máximo de 5 puntos o mellor proxecto presentado do evento deportivo. O resto serán puntuados proporcionalmente.

- ✓ Orzamento da actividade. Valorarase tanto o importe do orzamento da actividade como o esforzo económico que se reflicte no orzamento presentado, entendéndose como tal a maior porcentaxe de autofinanciamento ou financiamento con recursos privados. (Ata 15





puntos).

- Maior orzamento: 10 puntos, resto proporcionalmente.
- Maior esforzo económico: 5 puntos, resto proporcionalmente.
- ✓ Colaboración nos eventos deportivos organizados ou promovidos polo Concello, durante os últimos 3 anos (1 punto por cada evento no que se colaborou co Concello, cun máximo de 3 puntos por ano, máximo 9 puntos).
- ✓ Número de horas de uso de instalacións deportivas públicas. Máxima utilización -5 puntos, resto proporcionalmente.
- ✓ Deporte feminino. 1 punto por cada categoría ou por cada 10 participantes. Máximo 5 puntos.
- ✓ Deporte para persoas con diversidade funcional. 1 punto por cada categoría ou por cada 10 participantes. Máximo 5 puntos.
- ✓ Organización de actividades complementarias da formación de deportistas (campus, clinics, xornadas, campamentos, actividades solidarias). 1 punto por cada actividade organizada polo club e que sexa considerada de interese pola Concellería de Deportes.
- ✓ Promoción da lingua galega. 3 puntos polo uso da lingua galega.

Equipos competición.

- ✓ Ámbito competitivo do equipo.
 - Equipos ou deportistas en competicións de ámbito nacional. (10 puntos)
 - Equipos ou deportistas en competición de ámbito interprovincial ou autonómico. (5 puntos)
 - Equipos ou deportistas en competicións de ámbito provincial. (3 puntos)
 - Equipos ou deportistas en competicións de ámbito local. (1 punto)
- ✓ Número de licencias (1 punto por cada 10 licencias).
- ✓ Antigüidade no Rexistro de Entidades Deportivas do Concello de Barbadás (1 punto por cada ano, máximo 5 puntos).
- ✓ Colaboración nos eventos deportivos organizados ou promovidos polo Concello, durante os últimos 3 anos (1 punto por cada evento no que se colaborou co Concello, cun máximo de 3 puntos por ano, máximo 9 puntos).
- ✓ Número e cualificación dos técnicos deportivos titulados do club (3 puntos por cada
- ✓ Adestrador con título nacional con ficha dilixenciada no club, 2 puntos por cada adestrador con título rexional con ficha dilixenciada no club, 1 punto por cada adestrador ou monitor de base titulado con ficha dilixenciada no club).





- ✓ Orzamento da actividade. Valorarase tanto o importe do orzamento da actividade como o esforzo económico que se reflicte no orzamento presentado, entendéndose como tal a maior porcentaxe de autofinanciamento ou financiamento con recursos privados. (Ata 15 puntos).
 - Maior orzamento: 10 puntos, resto proporcionalmente.
 - Maior esforzo económico: 5 puntos, resto proporcionalmente.
- ✓ Número de horas de uso de instalacións deportivas públicas. Máxima utilización -5 puntos, resto proporcionalmente.
- ✓ Deporte relacionado coas Escolas Deportivas (Deporte Sénior Federado). Fútbol 5 puntos, Resto de Escolas 3 puntos.
- ✓ Crecemento no número de categorías respecto ó ano anterior (1 punto por cada categoría que se aumente no club, máximo 5 puntos).
- ✓ Crecemento no número de licencias respecto ó ano anterior (1 punto por cada 10 licencias que se aumenten respecto ó ano anterior, máximo 5 puntos).
- ✓ Organización de actividades complementarias da formación de deportistas (campus, clínic, xornadas, campamentos, actividades solidarias). 1 punto por cada actividade organizada polo club e que sexa considerada de interese pola Concellería de Deportes.
- ✓ Deporte feminino. 1 punto por cada categoría ou por cada 10 participantes. Máximo 5 puntos.
- ✓ Deporte para persoas con diversidade funcional. 1 punto por cada categoría ou por cada 10 participantes. Máximo 5 puntos.
- ✓ Promoción da lingua galega. 3 puntos polo uso da lingua galega.

Art.9.- Medios de notificación ou publicación

Toda publicación/notificación, sexa individual ou colectiva, á que faga referencia estas bases realizarase mediante publicación na localización web e taboleiro de anuncios do Concello de Barbadás. A publicación substituirá á notificación persoal e producirá os mesmos efectos, segundo a Lei 30/1992.

ANEXO I

DATOS DO SOLICITANTE





| | | |
|---|--|---------------|
| Nome e apelidos ou denominación social | | DNI ou CIF |
| Representante | Teléfono | Fax |
| Enderezo postal | | Código Postal |
| Enderezo electrónico | | |
| Número de rexistro na Secretaría Xeral para o Deporte | Número de Rexistro no Concello de Barbadás | |

Declaro baixo a miña responsabilidade que:

Non se obtiveron outras subvencións para a mesma finalidade ó longo do presente ano ou tempada para o proxecto subvencionado polo Concello de Barbadás.

Solicitáronse subvencións a outras entidades públicas:

| Entidade | Importe solicitado | Importe concedido |
|--------------------------|--------------------|-------------------|
| Xunta de Galicia | | |
| Deputación de Ourense | | |
| Fundación Deporte Galego | | |
| Outras: | | |
| | | |
| Suma Total | | |

Barbadás, de de

Asinado

ANEXO II (DECLARACIÓN RESPONSABLE)





D/Dna..... (nome e apelidos) con

DNI e como Presidente/a da entidade..... e con domicilio en

D/Dna..... (nome e apelidos) con DNI. como Secretario/a da entidade..... e con domicilio en

FORMULAMOS SOLIDARIAMENTE A PRESENTE DECLARACIÓN RESPONSABLE, para os efectos de acreditar ante o Concello de Barbadás :

- 1)Que nin a entidade, nin os seus membros, nos casos legalmente establecidos, encóntranse incursos en ningunha das prohibicións reguladas no artigo 10 da Lei 9/2007, de 13 de xuño de Subvencións de Galicia, para obter a condición de beneficiario de subvencións das Administracións Públicas.
2)Que o importe da subvención solicitada non supera o 75% do custe da actividade subvencionada.
3)Que a entidade non é debedora á facenda estatal, autonómica nin local nin coa Seguridade Social.
4)Que nos comprometemos a achegar a diferenza existente entre a cantidade subvencionada e o custe total da actividade
5)Que nos comprometemos a custodiar os fondos da subvención así como os documentos acreditativos da súa aplicación.
6)Que nos comprometemos a facilitar canta información nos sexa requirida pola Concellería de Deportes do Concello de Barbadás, referente a calquera circunstancia ou extremo relativo á subvención outorgada.
7)Que nos comprometemos a realizar o rexistro, na contabilidade, do ingreso da subvención percibida, segundo establece a Lei 9/2007, de 13 de xuño, de Subvencións de Galicia.
8)Que autorizamos á Concellería de Deportes do Concello de Barbadás para solicitar da Axencia Estatal da Administración Tributaria e do Concello de Ourense, os datos relativos o cumprimento das obrigas fiscais e tributarias da entidade solicitante da subvención, necesarios para comprobar o cumprimento dos requisitos establecidos para percibir a subvención.

Barbadás, de de

PRESIDENTE

SECRETARIO/A

Asdo.:

Asdo.:

DNI:

DNI:

Cod. Validación: 7W7ER2FHTPHA53L5GRRW95NSKC
Corrección: https://barbadas.sedelectronica.gal/
Documento asinado electronicamente desde a plataforma xestiona esPublico | Páxina 10 a 11





ANEXO III (DECLARACIÓN RESPONSABLE)

D/Dna..... (nome e apelidos) con DNI e como Presidente/a da entidade..... e con domicilio en

D/Dna..... (nome e apelidos) con DNI. como Secretario/a da entidade..... e con domicilio en

FORMULAMOS SOLIDARIAMENTE A PRESENTE DECLARACIÓN RESPONSABLE, para os efectos de acreditar ante a Concellería de Deportes do Concello de Barbadás que a documentación marcada a continuación se encontra presentada ante o dito Organismo Autónomo e non se produciu variación ningunha:

- ☒ Código de identificación fiscal (CIF) no caso de persoas xurídicas e o número de identificación fiscal (NIF) no suposto de persoas físicas.
☒ Inscripción no Rexistro de asociacións municipais e nos rexistros oficiais segundo a natureza da actividade a subvencionar.
☒ Estatutos que rexen a entidade así como certificación acreditativa dos cargos representativos e domicilio social no caso de persoas xurídicas.
☒ Datos bancarios da conta á que se poderá transferir o importe da subvención.
☒ Estrutura deportiva e directiva do Club, número de socios, seccións, número de adestradores e a súa titulación, etc.

Barbadás, de de

PRESIDENTE

SECRETARIO/A

Asdo.:

Asdo.:

DNI:

DNI:

Cod. Validación: 7W7ER2FH7PHA53L5GRW95NSKC
Corrección: https://barbadas.sedelectronica.gal/
Documento asinado electronicamente desde a plataforma xestiona esPublico | Páxina 11 a 11

